

ZENIČKO-DOBOJSKI KANTON
MINISTARSTVO ZA PRAVOSUĐE I UPRAVU

IZVJEŠTAJ O RADU
MINISTARSTVA ZA PRAVOSUĐE I UPRAVU
ZA 2010. GODINU

Zenica, januar, 2011. godine

SADRŽAJ

	Strana
SAŽETI PREGLED REALIZOVANIH AKTIVNOSTI	3.
I UVOD	4.
A. Osnovni pravci djelovanja	4.
A. a. Oblast pravosuđa	4.
A. b. Oblast uprave	5.
A. c. Oblast za propise	5.
II REALIZACIJA PROGRAMA RADA	5.
B. Aktivnosti koje su realizovane u izvještajnom periodu	5.
B. a. Izrada zakonskih akata	5.
B. b. Izrada podzakonskih akata	5.
B. c. Informativne aktivnosti	5.
B. d. Aktivnosti vezane za finansijski dio poslovanja	6.
B. e. Redovne aktivnosti iz nadležnosti Ministarstva	7.
B. f. Edukacija državnih službenika i namještenika	7.
B. g. Ostale aktivnosti Ministarstva	
C. Aktivnosti koje nisu realizovane	8.
D. Komentar	
D. a. Uslovi rada i tehnička opremljenost	8.
D. b. Oblast pravosuđa	9.
D. c. Oblast uprave	9.
III ZAKLJUČAK	9.

SAŽETI PREGLED REALIZOVANIH AKTIVNOSTI

Rad i nastojanje Ministarstva za pravosuđe i upravu Zeničko-dobojskog kantona (u daljem tekstu: Ministarstvo) na ispunjavanju ciljeva iz Programa rada Ministarstva za 2010. godinu i Programa rada Vlade za 2010. godinu i Skupštine Zeničko-dobojskog kantona za 2010. godinu kao i Odluke o strateškim ciljevima, indikatorima ostvarenja i ciljevima za 2010. godinu za organe uprave i službi sa aspekta sistema upravljanja kvalitetom, ukazuje na našu ambiciju i želju na najbolji mogući način doprinesemo brzom i kvalitetnom ostvarenju tih ciljeva.

U oblasti normativno-pravne djelatnosti Ministarstvo nije Programom predvidjelo izradu zakonskih akata već je svoje aktivnosti opredjelilo na usklađivanje postojećih i donošenje novih propisa ukoliko dođe do promjena Ustava FBiH ili drugih propisa koji traže usklađivanje kantonalnih propisa iz nadležnosti Ministarstva. Tako su urađena tri (3) zakona koja nisu planirana Programom Ministarstva, Vlade niti Skupštine i to

- Zakon o Vladi Zeničko-dobojskog kantona-prečišćeni tekst („Službene novine Zeničko-dobojskog kantona“, broj: 7/10);
- Zakon o preuzimanju Zakona o državnoj službi („Službene novine Zeničko-dobojskog kantona“, broj: 9/10);
- Prijedlog Zakon o izmjeni Zakona o sudskim taksama, usvojen na sjednici Vlade 23.10.2010. godine i upućen u skupštinsku proceduru.

Također, u 2010. godini, urađen je po prvi put Registar propisa Zeničko-dobojskog kantona 1996-2009. godine, gdje se na jednom mjestu nalaze nazivi svih propisa donesenih na nivou kantona, ministarstava i općina sa brojevima službenih listova (kantonalnih ili općinskih) u kojem su objavljeni što u mnogome olakšava rad i pronalaženje propisa zaposlenicima koji iste primjenjuju u svom radu.

Od planirane izrade provedbenih propisa u vezi izvršenja zakona i podzakonskih akta, kao i informativne djelatnosti planirana je izrada 10 (deset) akata, a urađeno je 13 (trinaest) ili 130 %, od kojih posebno ističem Elaborat o društveno ekonomskoj opravdanosti osnivanja arhiva Zeničko-dobojskog kantona („Službene novine Zeničko-dobojskog kantona“, broj: 10/10) čijim donošenjem su stvoreni formalni preduslovi za osnivanje Arhiva Zeničko-dobojskog kantona.

Urađene su sve planirane aktivnosti u 2010. godini.

Ministarstvo je blagovremeno preduzelo sve aktivnosti na realizaciji Budžeta za 2010. godinu i nastojalo je da se osiguraju sredstva za rad Ministarstva, sudova i tužilaštva, a posebno sredstva za završetak gradnje zgrade Općinskog suda u Tešnju, tako da je u 2010. godini završena gradnja i svečano otvaranje, te predaja na upotrebu iste uposlenicima Općinskog suda u Tešnju.

Dakle, u 2010. godini rad Ministarstva posebno je obilježilo:

- završetak gradnje i otvaranje novoizgrađene moderno opremljene i po posljednjim standardima izgrađene zgrade Općinskog suda u Tešnju,
- Usvajanje Elaborat o društveno ekonomskoj opravdanosti osnivanja arhiva Zeničko-dobojskog kantona („Službene novine Zeničko-dobojskog kantona“, broj: 10/10),
- Izdavanje Registra propisa 1996-2009. godine,
- Izrada idejnih rješenja adaptacije, sanacije, rekonstrukcije zgrade Općinskog suda u Zenici, dogradnje Kantonalnog suda u Zenici i nove zgrade Kantonalnog tužilaštva u Zenici.

U 2010. godini sam zadovoljan radom i naporima uposlenika ovog Ministarstva na provođenju Programa rada Ministarstva za 2010. godinu kao i postignutim učinkom, a posebno ako se ima u vidu činjenica da nisu popunjena mjesta u Sektoru za propise, a u Sektoru za upravu nije popunjeno mjesto Pomoćnika ministra za upravu. Dodatnim angažovanjem svih zaposlenika uspjeli smo da odgovorimo svim zahtjevima koji su postavljeni pred Ministarstvo.

Zahvaljujem se svim uposlenicima Ministarstva, kao i ostalim saradnicima koji su na bilo koji način pomogli i omogućili realizaciju Programa rada Ministarstva za 2010. godinu.

MINISTAR

Miroslav Penko

I UVOD

Svoj rad u toku izvještajnog perioda Ministarstvo zasnovalo je na vlastitom programu, Programu rada Vlade Zeničko-dobojskog kantona i Programu rada Skupštine Zeničko-dobojskog kantona za 2010. godinu, te zadacima koji su se pred ovo ministarstvo postavljali od strane Federalnog ministarstva pravde i drugih institucija koje imaju nadležnosti u okviru pravosuđa i uprave.

Članom 7. Zakona o kantonalnim ministarstvima i drugim tijelima uprave-prečišćeni tekst ("Službene novine Zeničko-dobojskog kantona", broj: 13/08) propisano je da Ministarstvo vrši upravne, stručne i druge poslove utvrđene zakonom koji se odnose na ostvarivanje nadležnosti Kantona, a naročito:

- pravosudnih institucija i uprave,
- upravnog nadzora nad radom pravosudne uprave i kantonalnih tijela uprave,
- registraciju udruženja građana,
- oblast kancelarijskog poslovanja,
- izvršenje sankcija.

Ministarstvo vrši i druge upravne poslove koji ne spadaju u djelokrug drugog organa uprave Kantona. Također, nadležnost Ministarstva propisana je i u nizu drugih zakonskih propisa.

Ministarstvo, kao organ uprave, donosi provedbene propise iz svoje nadležnosti u cilju omogućavanja izvršavanja kantonalnih zakona i drugih kantonalnih propisa i izdaje uputstva, instrukcije i naredbe, te donosi pojedinačne akte.

Ministarstvo, iz okvira svoje nadležnosti predlaže i daje preporuke u pogledu zakona i drugih propisa i odgovara na pitanja organa zakonodavne vlasti.

Pravilnikom o unutarnjoj organizaciji Ministarstva predviđeno je 17 izvršilaca plus ministar, a popunjenost u navedenom izvještajnom periodu bila je 7 izvršilaca od čega 3 državna službenika i 4 namještenika, kroz tri organizacione jedinice i to:

1. Sektor za pravosuđe-1 državni službenik i tri namještenika
2. Sektor za upravu-1 državni službenik
3. Sektor za propise-ni jedan izvršilac,

te sekretar Ministarstva i tehnički sekretar.

U svom radu, osim sa sudovima i tužiteljstvima u ZE-DO kantonu, ovo ministarstvo sarađivalo je sa Kantonalnim pravobranilaštvom i Kantonalnim zavodom za pružanje pravne pomoći kao i sa svim kantonalnim organima.

A. OSNOVNI PRAVCI DJELOVANJA

A. a. Oblast pravosuđa

Osnovni pravci djelovanja Ministarstva tijekom 2010. godine u oblasti pravosuđa bili su usklađeni s aktivnostima Federalnog ministarstva pravde i drugih organizacija, prvenstveno s aktivnostima Ministarstva pravde BiH i Visokog sudskog i tužilačkog vijeća u BiH, a odnosile su se na oblast izvršenja sankcija i sudskih taksi koji su ujedno i dio Strategije razvoja sektora pravde u Bosni i Hercegovini.

Ministarstvo je provodilo aktivnosti na obezbjeđenju normalnih uslova za rad sudova i tužilaštva, tako je u 2010. aktivno pratilo završetak gradnje zgrade Općinskog suda u Tešnju, te je blagovremeno preduzimalo sve radnje da se radovi odvijaju nesmetano. Osim toga, blagovremeno je reagovalo i saniralo ravni krov Općinskog suda u Zenici. Ministarstvo je tražilo moguća rješenja sa povećanje kapaciteta sudova i Kantonalnog tužilaštva budući da je u istim, a posebno u Općinskom sudu u Zenici, povećan broj sudija, a time i namještenika.

A. b. Oblast uprave

U 2010. godini nastavljeno je sa reformom uprave koja je započeta u 2004. godini, a posebna pozornost bila je usmjerena na:

- praćenje sistema ISO 9001/2000;
- implementiranje odredbi: - Zakona o državnoj službi („Službene novine Federacije BiH“, broj:29/03, 23/04, 39/04, 54/04, 67/05 i 8/06);
- Zakona o namještenicima („Službene novine Federacije BiH“, broj:49/05),
- registraciju udruženja građana,
- praćenje i sudjelovanje u procesu započete reforme javne uprave i reforme ministarstava pravde na razini BiH i Federacije BiH.

A. c. Oblast za propise

Rad u ovom sektoru nije organiziran zbog ne popunjenosti sektora već su aktivnosti ovog sektora preuzete od izvršilaca u drugim sektorima.

II REALIZACIJA PROGRAMA RADA

B. AKTIVNOSTI KOJE SU REALIZOVANE U IZVJEŠTAJNOM PERIODU

B. a. – Izrada zakonskih akata

- Zakon o Vladi Zeničko-dobojskog kantona – pročišćeni tekst („Službene novine Zeničko-dobojskog kantona“, broj: 7/10), izrada nije predviđena Programom;
- Zakona o preuzimanju Zakona o državnoj službi F BiH („Službene novine Zeničko-dobojskog kantona“, broj: 9/10), izrada nije predviđena Programom.
- Prijedlog Zakon o izmjeni Zakona o sudskim taksama, usvojen na sjednici Vlade 23.10.2010. godine i upućen u skupštinsku proceduru.

B. b. –Izrada podzakonskih akata

- Elaborat o društveno ekonomskoj opravdanosti osnivanja arhiva Zeničko-dobojskog kantona („Službene novine Zeničko-dobojskog kantona“, broj: 10/10)
- Program rada Ministarstva za 2010. godinu;
- Program kapitalnih ulaganja za 2010. godinu;
- Prijedlog Odluke o odobravanju sredstava za izgradnju zgrade Općinskog suda u Tešnju;
- Plan edukacije državnih službenika za 2010. godinu;

B. c.- Informativne djelatnosi

- Registar propisa 1996-2009. urađen prvi put od formiranja Kantona
- Izvještaj o rješavanju upravnih stvari u upravnom postupku za 2009. godinu (prihvatila Vlada);
- Informacija o provođenju ustavnih odredbi o konstitutivnosti naroda u javnim institucijama Zeničko-dobojskog kantona (usvojena od Vlade i Skupštine Kantona u svibnju 2010. god.);
- Izvještaj o radu Kantonalnog pravobraniteljstva (prihvaćen od strane Vlade Kantona i Skupštine);
- Izvještaj o radu Kantonalnog zavoda za pravnu pomoć (usvojen od Vlade i Skupštine);
- Izvještaj o radu Kantonalnog tužiteljstva u Zenici (usvojen od Vlade i Skupštine);
- Izvještaj o radu Kantonalnog suda u Zenici (usvojen od Vlade i Skupštine).

B. d. – Aktivnosti vezane za finasijski dio poslovanja

- Izvještaj o realizaciji Programa kapitalnih ulaganja za 2009. godinu, usvojen je od strane Vlade.
- Prijedloga Programa utroška sredstava za kapitalna ulaganja za 2010. godinu Ministarstva, koji je usvojen od strane vlade, a odnosi se na završetak gradnje zgrade Općinskog suda u Tešnju,
- Prijedloga Odluke o odobravanju finansijskih sredstava u iznosu od 200.000 KM za završetak zgrade Općinskog suda u Tešnju,
- Prijedloga Programa utroška sredstava za kapitalna ulaganja za 2010. godinu Ministarstva, koji je usvojen od strane Vlade, a odnosi se na sanaciju ravnog krova zgrade Općinskog suda u Zenici,
- Prijedloga Odluke o odobravanju finansijskih sredstava u iznosu od 35.000 KM, odnosno 25.000 KM za sanaciju ravnog krova zgrade Općinskog suda u Zenici,
- Izrada mjesečnih i tromjesečnih operativnih planova za sve budžetske korisnike Ministarstva,
- Prikupljanje podataka o obračunu mjesečnih plaća i drugih naknada svih budžetskih korisnika iz mjerodavnosti Ministarstva;
- Prikupljane podataka o mjesečnim rashodima, izrada izvješća o istim za potrebe Ministarstva,
- Mjesečno praćenje izvršenja Budžeta za 2010. godinu;
- Praćenje troškova pritvora i dostavljanje faktura radi plaćanja;
- Redovni svakodnevni poslovi vezani za finansijsko poslovanje Ministarstva

Ukratko dat ćemo pregled izvršenja Budžeta za 2010. godinu za Ministarstvo za pravosuđe i uprave i budžetskih korisnika iz mjerodavnosti Ministarstva u dijelu koji su obilježile 2010. godinu.

U 2010. godini od ukupno 200.000 KM planiranih u Budžetu za 2010. godinu, na pozicija “nabavka građevina”, a u skladu sa usvojenim programom i odlukom za završetak zgrade Općinskog suda u Tešnju utrošeno je 199.022,59 KM odnosno ineks izvršenja iznosi 99,52%. Zgrada površine cca 800 m² korisnog prostora, te krug sa pješačkom zonom, parkingom i zelenom površinom površine cca 1.040 m², završena je i svečano otvorena 02.10.2010. godine čime je pravosuđe dobilo jedan od najljepših sudova u Bosni i Hercegovini, a građani Tešnja mogu spravom tražiti efikasnije rješavanje njihovih predmeta.

Nakon što je došlo do prokišnjavanja ravnog krova na zgradi Općinskog suda u Zenici, Ministarstvo je obezbjedilo u Budžetu za 2010. godine, na poziciji “rekonstrukcija i investiciono održavanje” iznos od 25.000 KM, a u skladu sa usvojenim Programom i Odlukom o odobravanju sredstava, usješno je okončana sanacija ravnog krova čime je spriječeno dalje propadanje zgrade. Za radove utrošena su sredstva u iznosu od 24.760,60 KM uz indeks izvršenja 99%.

U cilju obezbjeđenja nedostajućeg prostora Ministarstvo je Kantonalnom sudu u Zenici obezbjedilo tri kancelarije u zgradi SDP-a koje su povezane sa Kantonalnim sudom. U tim kancelarijama su smješteni stručni saradnici i daktilografi, a u njihovim ranijim kancelarijama novoizabrane sudije.

Osim toga, urađena su Idejna rješenja dogradnje zgrade Kantonalnog suda u Zenici, kao i Idejno rješenje adaptacije, sanacije, rekonstrukcije i dogradnje zgrade Općinskog suda u Zenici, te nove zgrade Kantonalnog tužilaštva u Zenici koji je urađen u skladu sa Regulacionim planom Centar II općine Zenica.

B.e.- Redovne aktivnosti iz nadležnosti Ministarstva

- Izrada Izvještaja o radu Ministarstva za 2009. godinu;
- Praćenje propisa iz oblasti uprave, državne službe, oblasti pravosuđa i drugih oblasti, te kontinuirano obavještavanje svih kantonalnih ministarstava i drugih tijela uprave, sudova tužiteljstva općinskih vijeća, općinskih načelnika i drugih tijela lokalne samouprave o obvezama koje proističu stupanjem na snagu istih, te o kancelarijskom poslovanju;

- Korespondencija sa Federalnim ministarstvom pravde
- Obaveza donošenja propisa kojima se uređuje rad državne službe, rad sudova i sudske administracije;
- Davanje prijedloga, primjedbi i sugestija na programe rada Vlade i Skupštine Kantona;
- Rad po predstavkama i pritužbama stranaka na rad sudova i općinskih službi za upravu (postupljeno po 31 predstavki);
- Zauzimanje stajališta i davanje mišljenja, vezano za upite građana i pravnih osoba;
- Vođenje registra udruženja građana (doneseno 147 rješenja o odobrenju upisa i 151 rješenja o promjeni upisa u registar);
- Osmam rješenja o odobrenju izrade pečata i o uništenju pečata;
- Odgovori na poslanička pitanja;
- Kontrola računa doznačenih od strane kazneno-popravnih zavoda;
- Plaće, topli obroci, naknade, materijalni troškovi i razni dopisi Ministarstva;
- Izrada Prijedloga aktivnosti ocjene namještenika u kantonalnim organima državne službe za 2009. godinu;
- Izrada stajališta na dostavljene zakonske i podzakonske akte drugih organa i organizacija;
- Izvršena kontrola zakonitosti rada notara Zeničko-dobojskog kantona, što je prva kontrola takve vrste u Federaciji Bosne i Hercegovine od početka rada notara.

B. f. - Edukacija državnih službenika i namještenika

U izvještajnom periodu državni službenici su prisustvovali edukaciji koju je organizovala Agencija za državnu službu, te su prisustvovali seminarima na temu „građansko zakonodavstvo”. Namještenici su prisustvovali savjetovanjima koja su se odnosila na godišnje obračune, završne račune i porezne prijave te na temu fiskalizacije.

Državni službenici Ministarstva prošli su obuku u organizaciji Agencije za državnu službu Federacije Bosne i Hercegovine na temu Uredba o disciplinskom postupku (1 državni službenik), Zakon o organizaciji organa uprave (sva 3 državna službenika), Poslovi iz osnovne djelatnosti iz nadležnosti državne službe u F BiH (2 državna službenika) u u ukupnom trajanju od 6 dana, te u organizaciji Udruženja Republike Srpske „V Savjetovanju iz oblasti građanskog prava” (1 državni službenik) u trajanju od tri dana.

Namještenici su prošli odgovarajuću obuku u oraganizaciji ovlaštene revizorske kuće, a ista se odnosila na Zakon o računovodstvu, porez da dohodak, propise o fiskalizaciji, novi kontni plan, tako da je jedan namještenik ostvario 35 sati edukacije koju moraju imati ovlaštene računovođe i revizori.

Državni službenici i namještenici su sami predlagali vrstu edukacije, a ministar je ocjenjivao opravdanost zahtjeva za edukacijom u skladu sa Planom stručno usavršavanja za 2010. godinu i raspoloživim sredstvima.

B. g. – Ostale aktivnosti Ministarstva

Ministarstvo je pratilo sve aktivnosti vezano za Projekt razvoja općina (MDP) koje se odnose na realizaciju projekata za općine Doboju, Maglaj i Usoru koje financira Švicarska agencija za razvoj suradnju (SDC) a implementira Centar za menadžment, razvoj i planiranje (MDP).

Ministarstvo je aktivno uključeno i u provedenju Strategije za reformu sektora pravde u BiH 2009-2013. godina, čiji je cilj stvaranje zajedničkog reformskog okvira za institucije u sektoru pravde u BiH koji sadrži usaglašen prioritet za budući razvoj ovog sektora u cjelini.

Državni službenici ovog ministarstva uvršteni su i kao eksperti Agencije državne službe Federacije BiH.

Ministarstvo aktivno uzima sudjelovanje na području cijele Federacije BiH u prenošenju pozitivnih iskustava procesa organiziranja i uspostave besplatne pravne pomoći.

Okončan postupak promjene sjedišta za dva notara i po prvi put u Federaciji Bosne i Hercegovine imenovan zamjenik notara u skladu sa Zakonom o notarima.

Ministarstvo za pravosuđe i upravu je aktivno uključeno u provođenje Strategije za reformu sektora pravde u BiH, čiji cilj je stvaranje zajedničkog reformskog okvira za institucije u sektoru pravde u BiH koji sadrži usaglašene prioritete za budući razvoj ovog sektora u cjelini.

Praćenje implementacije Akcionog plana je jedna od osnovnih odgovornosti funkcionalnih radnih grupa koje su formirane početkom 2009. godine i počele su sa svojim djelovanjem. U svaku od funkcionalnih radnih grupa - strateških stubova imenovane su osobe ispred ministarstava pravosuđa svakog kantona i iz entiteta pa i iz Ministarstva za Strateški stub II - Izvršenje krivičnih sankcija i Strateški stub V - Dobro rukovođen i koordiniran sektor u podblast „Koordinacija projekata pomoći za sektor pravde u BiH“.

Akcionni plan za implementiranje Strategije za reformu sektora pravde u BiH usvojen je za period 2009. - 2013. godina i sva ministarstva su obavezna sačiniti svoje srednjoročne strateške planove, kako bi bila uspješno implementirana Strategija za reformu sektora pravde u BiH.

C. AKTIVNOSTI KOJE NISU REALIZOVANE U IZVJEŠTAJNOM PERIODU

U 2010. godini Ministarstvo nema nerealizovanih aktivnosti.

D. K O M E N T A R

Na kraju ovog Izvješća ističemo sljedeće:

D. a. Uslovi rada i tehnička opremljenost

I na kraju ovog izveštajnog perioda mora se istaći da Ministarstvo dijeli prostor sa Sekretarijatom za zakonodavstvo, Stručnom službom Vlade.

Tehnička opremljenost Ministarstva nije zadovoljavajuća. Naime, informaciona tehnologija ne zadovoljava novonastale potrebe jer ne podržava sve programe, te je potrebno u narednom periodu istu zamijeniti novom. Uslovi rada su zadovoljavajući s tim da treba otkloniti neke nedostatke.

Smatramo da je u narednom periodu neophodno obnoviti računarsku tehniku koja bi podržavala sve programe, a posebno program koji bi podržavao BH-HRMIS – Informacioni sustav za upravljanje ljudskim resursima. Za provođenje ovog programa zaduženi su tajnici ministarstava koji su prošli dvodnevnu obuku u 2009. godini, u organizaciji Agencije državne službe Bosne i Hercegovine, a rukovoditelji organa (ministru, direktori i dr.) su zaduženi implementirati odnosno osigurati metrijalno-tehničke pretpostavke za uvođenje istog

Ministarstvo ne posjeduje svoju WEB stranicu.

U svom radu Ministarstvo je otvoreno i prema svim medijima ima ravnopravan status, a prema medijima istupa ministar.

D. b. Oblast pravosuđa

Raspoloživi prostor i uslovi za rad u pojedinim sudovima i kantonalnom tužilaštvu nisu zadovoljavajući. Stalan je problem nedostatka prostora, a i prostor u kojem rade ne zadovoljava uslove za rad. Naime, u Kantonalnom sudu Zenica, Kantonalnom tužilaštvu Zenica i Općinskom sudu u Zenici neophodno je povećati postojeći radni prostor dogradnjom, odnosno nadogradnjom, a u Općinskom sudu u Zenici, Općinskom sudu u Zavidovićima, Odjeljenje u Maglaju i Općinskom sudu u Visokom, odjeljenje u Olovu mora se izvršiti rekonstrukcija objekata zamjenom prozora, fasade stolarije i dr. Ministarstvo će nastojati u narednom periodu nastojati da se otklone navedeni nedostaci i na taj način omoguće bolji uslovi za rad sudija, tužilaca i zaposlenika.

Za informacioni sustav i tehnologiju možemo reći da je zaokružena u potpunosti u sudovima ZE-DO Kantona, kao i Kantonalnom tužiteljstvu.

D.c. Oblast uprave

Rad na unošenju podataka u Program elektronskog registra udruženja je okončan i isti se i dalje prati i podržava od strane državnih službenika ovog ministarstva. Usvajanjem Elaborata o društveno ekonomskoj opravdanosti osnivanja arhiva Zeničko-dobojskog kantona („Službene novine Zeničko-dobojskog kantona”, broj: 10/10) čijim donošenjem su stvoreni formalni preduslovi za osnivanje Arhiva Zeničko-dobojskog kantona na čemu se mora insistirati u 2011. godini.

III ZAKLJUČAK

Pored naprijed navedenog u narednom periodu Ministarstvo će pratiti reformu državne službe i samim tim jačati ulogu i značaj državnih službenika i namještenika.

Kako bi proces reforme državne službe mogao biti nastavljen potreba je za educiranim modernim državnim službenikom i namještenikom od integriteta, koji poznaje pravo i zakon ne samo svoje države nego i drugih država, u kojeg građani imaju povjerenje, državni službenik treba pratiti pravne novine i sve pojave u društvu i utjecati na društvo, treba pratiti napredak glede tehničke opremljenosti i pravce razvoja informacione tehnologije i biti upoznat sa načinom korištenja iste.

Neophodna je veća samostalnost državnih službenika i namještenika, spremnost za edukaciju i odvojenost od politike, te će u tom pravcu i biti iskazana opredjeljenost ovog ministarstva.

Do kraja naredne godine nastojat će se tehnički modernizirati rad Ministarstva nabavkom suvremenije informatičke opreme i formiranje web-sita.

Praćenje i usavršavanje procedura ISO standarda je stalan zadatak ovog ministarstva.

Nastojati u 2011. godini osnovati Arhiv Zeničko-dobojskog kantona da tako napokon i ovaj Kanton može na odgovarajući način deponovati i čuvati svoju arhivsku građu, a ne istu davati drugom kantonalnom arhivu uz naknadu.

U 2011. godini Ministarstvo namjerava okončati sve aktivnosti na dobijanju urbanističke dozvole, izradi Glavnog projekta dogradnje zgrade Kantonalnog suda u Zenici, Glavnog projekta adaptacije, sanacije, rekonstrukcije i dogradnje zgrade Općinskog suda u Zenici, te nove zgrade Kantonalnog tužilaštva u Zenici, dobijanje građevinske dozvole, te eventualni izbor najpovoljnijeg ponuđača za izvođenje radova na objektu za koji se obezbijedi neophodna dokumentacija kao i sredstva.

Dakle, Ministarstvo je u cjelosti izvršilo sve planirane obveze utvrđene Programom rada za 2010. godinu.

MINISTARA

Miroslav Penko